

Na osnovu člana 25. stav (1) tačka a) Zakona o putnim ispravama Bosne i Hercegovine ("Službeni glasnik BiH", br. 4/97, 1/99, 9/99, 27/00, 32/00, 19/01, 47/04, 53/07, 15/08, 33/08, 39/08 i 60/13), Ministarstvo civilnih poslova Bosne i Hercegovine donosi

**UPUTSTVO
O DOPUNAMA UPUTSTVA O NAČINU ODUZIMANJA I
PONIŠTAVANJA PUTNIH ISPRAVA**

Član 1.

(Oduzimanje putne isprave)

U članu 2. Uputstva o načinu oduzimanja i poništavanja putnih isprava ("Službeni glasnik BiH", broj 55/09), (u daljem tekstu: Uputstvo), iza stava (2), dodaje se novi stav (3) koji glasi:

"(3) U postupku prestanka državljanstva Bosne i Hercegovine odricanjem, licu koje posjeduje važeću putnu ispravu Bosne i Hercegovine, nadležni službenik prilikom uručenja rješenja o odricanju od državljanstva oduzima važeću putnu ispravu. O oduzetoj putnoj ispravi izdaje se odgovarajuća potvrda. Uz rješenje o prestanku državljanstva Bosne i Hercegovine oduzeta putna isprava se dostavlja nadležnom organu radi poništenja".

Član 2.

(Poništavanje putne isprave)

U članu 6. stav (1) Uputstva, iza riječi: "lažne podatke", dodaju se riječi: "koja nije preuzeta u roku od 90 dana od dana isteka zakonom utvrđenog roka za izdavanje putne isprave".

Član 3.

(Stupanje na snagu)

Ovo uputstvo stupa na snagu osmog dana od dana objavljivanja u "Službenom glasniku BiH".

Broj 06-2-30-4-11/13
17. decembra 2013. godine

Ministar
Mr. **Sredoje Nović**, s. r.